

docriver 文川网
入驻商家
在文川网搜索古籍书籍 获取更多电子书

中國方志叢書·華中地方·第二九號

據

清·陳作霖等編
清·光緒二十六年刊本

(續志刊於民國六年)

影印

江蘇省

金陵瑣志



成文出版社有限公司印行



10096468

中國方志叢書·華中地方·第三九號

據

清·陳作霖等編
清·光緒二十六年刊本

(續志刊於民國六年)

影印

江蘇省

金陵瑣志



81/1007

成文出版社有限公司印行



10096469

中華民國五十九年 月壹一版

金陵瑣志

全二冊

發行人：黃 成 助

台北郵政信箱二二六〇五號

出版者：成文出版社有限公司

台北郵政信箱二二六〇五號

台北市羅斯福路三段279之二號

電話：三七〇一三二號

印刷者：東南印製廠有限公司

和平西路二段70巷83弄29號

內政部登記證內版台業字第一一四七號

docsriver 文川网
入驻商家 古籍书城

在文川网搜索古籍书城 获取更多电子书

光緒歲次庚子春正月

金陵瑣志五種

撰人屠斌題 端 峇 年 九 十

金陵瑣志五種總目

予隸籍建康留心文獻兩襄志局考核益宏既輯成金陵通紀通傳二書典章人物確有明徵矣奈卷帙浩繁付检不易若茲瑣志五種者勝專半壑地割一隅釣遊所經方域無舛無今追昔滄桑之感慨滋深彰往察來袞鉞之勸懲亦寓彙而梓之蓋察海先河之意焉爾爰次其篇目於左

運瀆橋道小志一卷

鳳麓小志四卷

東城志略一卷

金陵物產風土志一卷

南朝梵刹志二卷

通鑑綱目卷

光緒乙酉仲夏新鐫

板藏金陵冶麓山房

叙

而生同年家世南都性耆饌述玉帶一河溯洞从之網
羅叢殘釐爲斯志權輿赤烏下逮並世川瀆異同仰鏡
乎前載人物臧否用紆乎來軫禪靈渚塞緬僧辯之遺
烈治官臺圯慕文舉之高致中離屯難履基不續陵谷
貿遷英豪凋謝一水縈鏡濯旣絕之纓雙橋落虹蝕曾
題之柱此則板橋雜記係興替於簡端白下瑣言陶哀
樂於弦外者矣僕江左棲遁越一星終橫舍我我校經
斯在每詣次宗之肆輒經元禮之門眎我一編騷屑鄉

故水經標目殆道元之附庸風土名篇實孝侯之掌錄
循省未竟心鄉往之甲申孟陬金壇馮煦

叙

儒者侈言六合求之千里萬里外以誇多鬪博而桑梓
敬恭之地童時釣遊嬉戲之所或瞠目不能對數典而
忘其祖識者譏焉古今志乘之書汗牛充棟若常棠之
澉川志殷萃叟外岡志錢敬亭續外岡志所記不過一
隅而父老之舊聞鄉先生之嘉言懿行與夫里巷街衢
溝渠橋梁祠宇園林之變易人情風俗之今昔異宜已
彙括於篇信乎志無大小惟要於可信而已吾友陳君
雨生留心鄉邦文獻手所鈔輯數千紙邑人脩郡縣志

輒倚之集事里居之暇復爲運瀆橋道小志以水爲經以橋爲緯縱橫僅十里而父老之舊聞鄉先生之嘉言懿行與夫里巷街衢溝渠橋梁祠宇園林之變易人情風俗之今昔異宜慨乎言之而出以謹嚴則固澈川志與外岡兩志之例也抑予先世嘗居張府園陳氏宅又遷易駕橋李氏宅皆近運瀆迴憶曩昔所見衣冠樸儉勤於職業富者知名之可好施與無所吝學校之士尤兢兢於繩檢今且四十餘年矣老成典型猶時時在心目中讀此書益愀然雨生與予同筆硯垂二十年又申

之以婚姻其冲澹寡營博聞強識同輩皆心折然亦天
有以成之生平著述等身茲編特乘韋之先其益出所
蘊以爲後進模楷使人人人生桑梓敬恭之思乎乙酉浴
佛後一日上元秦際唐

題辭

甘元煥

清汎一水繞禪靈
梧竹蕭疏揖蔣亭
江左風流文獻在
偶梳屐齒補圖經

柵寨葑淤閉尾閭
于湖一論實權輿
開編領畧褰裳意
漫比茅亭野客書

劫後伽藍例洛陽
從君證古語能詳
結廬久欲棲桑泊
種秫猶留半頃荒

朱桂模

水深土厚羨新田
負鍤原宜濬大川
撈淺近年功孰偉

docsriver 文川网
入驻商家 古籍书城

在文川网搜索古籍书城 获取更多电子书

宗臣遺愛肅雕籩

曾文正沈文肅兩公俱飭營勇疏濬

桑梓人文毓地靈檀橋芹藻舊流馨仲弓居宅今相近

太史應占聚德星

顧雲

吾鄉在前明蜚聲有三儁其一陳氏沂圖經箸充叔遙

遙數百年芳徽君再振削簡畦畛明操管經緯順伽藍


俄盛衰道里參疑信何如誌桑梓沙維兼泥印撰述況

未央千里此發軔世舊君儻甄敢援華玉進

君撰金陵通紀通傳

二書通傳以族姓為類故及之

通鑑綱目



運瀆橋道小志

江甯陳作霖編

建康形勝八姓所都市井山林俱堪證古然輿圖
寥廓挂漏是虞軌迹搜尋必自近始予家世居講
堂大街今移紅土橋皆與玉帶河爲邇履綦所接
耳日較真以水爲經以橋爲緯街衢四出十里而
遙遠述舊聞近稽時事其細已甚君子所嗤作運
瀆橋道小志

運瀆首受秦淮水北流爲支河有橋跨其上曰斗門

運漕者吳赤烏中所鑿也

建康實錄吳赤烏三年使左御史鄒儉監鑿城西商

自秦淮抵倉城通運於苑倉謂之運漕按城仲謀宮苑城也倉城石頭倉城也苑倉宮苑倉也

創業營建石頭倉穀轉輸由淮入瀆糧艘萬斛廓其

有容今裁通舟夏漲冬涸民居迫束流緩易淤穢惡

所傾日積日甚汲飲濁胃職此之由苟舍濬治別無

善策

明南京工部尚書丁公賓濬河疏畧云自水西門覓渡橋起入水關至北門橋止是為正河由

斗門橋紅土橋乾道橋又由淮青橋四象橋內橋會同橋筴橋二水會同俱從小新橋倉巷橋望仙橋周

家橋鐵窗櫺出城是為大支河包藏於正河之內又有各支小河環於大河之外用以吐納靈潮疏流穢

惡通利舟楫故居不病涉小民生業有資譬如人身臟腑居內有血脈營衛以周流也若使血脈一淤則

元氣積滯而身必受其病故河道之開塞所係良非輕也顧文莊公起元城內諸水攷略云江甯自秦淮通舟外惟運瀆與青溪古城濠可容舢舨然青溪自淮青橋入至四象橋而阻運瀆自斗門橋入西至鐵窗橋東亦至四象橋而阻以河身迫狹又民居侵佔者多易為湮塞也若當事者肯議為疏濬則支流分派無汜濫之憂矣由是勤加疏濬自明以至國朝其近而可知者則嘉慶二十二年鹽巡道方公體請於制府自斗門橋至北乾道橋東至內橋西至鐵窗橋悉濬之道光四年江甯府知府余公需元以義振餘銀復濬之謂為新河咸豐元年總督陸公建瀛又濬之同治四年總督曾文正公又濬之光緒五年江甯布政使桂公嵩慶又濬之此其大槩也其淮水支港通瀆處古謂之禪

靈渚梁都督王僧辯討侯景之師所從入焉梁書王僧辯傳

乘潮入淮進至禪靈渚艨艟巨艦銜尾而前奔浪驚濤渺瀰可

想以今相況殊覺不侔陵谷變遷匪朝伊夕矣渚西

北有禪靈寺

在倉巷西道光中猶存

半里而遙舉目可見今隔

闐闐邈若山河或乃以寺前范家塘爲渚豈當時迴

波溶漾與渚相通久遭塞湮僅餘數畝歟禪靈寺橋

者卽今之斗門橋也橋上有觀音閣同治初里僧所

建後軒三楹俯臨瀆水舟過其下時聞槳聲然沿河

細徑爲所占斷矣橋東右轉循瀆南臨淮水爲渡船

口或曰古舟子洲遺址在是

肇域志梁天監十三年以朱雀門東北淮水紆

曲數有水患又舟行旅衝太廟灣乃鑿通中央爲舟子洲其後諸郡秀才上計率憩止於此子友

嚴君雋鴻殉粵寇處也

君字順之江甯僧生家居斗門橋賊擁之出被害於此其

家職焉

渡口濱淮東出有玉帶巷

東通上浮橋

明成國公朱

儀宅在焉

見南都察院志或指此為俞通海宅者誤今圯

稍北又有巷曰小

彩霞街

東通顏料坊

街南有聚峯園湖石嵌空梓陰蔽日

林亭點綴鬱為茶寮予幼時猶及見之

即幸春園茶社之址也見

白下瑣言又相傳斗門橋南有書錦堂宋王綸知建康府時之所作也今不能詳其處

園西北

有南雞鵝巷

以北門橋有雞鵝巷為明馬士英宅故言南以別之

巷盡處為講

堂大街即斗門橋直東街也自橋坡而下舊為貿毛

竹者所居削筋斲栝比戶皆是諺曰斗門橋快子兩

頭忙得諷刺之旨焉今業此者僅數家矣再東為果

子行口街衢交午處也南為彩霞街北為評事街肉膩魚腥米鹽

糶雜市廛所集萬口一囂街北有巷曰陳善坊舊名

松竹園再北為嘉兆巷北通干章巷交午於二巷之間者

曰南市樓東通評事街西通泰倉巷明十四樓之一也本宋安遠

樓故址金陵瑣事引蘇林學山云永樂中晏振之金陵春夕詩花月春江十四樓蓋洪武中建來

賓重譯鶴鳴醉仙樂民集賢謳歌鼓腹輕烟淡粉油

梅妍柳翠南市北十四樓於南京以處官妓

檀裙屐膏首塗脣勝國弊風教坊為甚浸淫閭里殆
三百年太守陳公欲革靡俗妓寮盡毀閨闔肆興月

吉歲時與民讀法講堂之號實肇於斯金陵間見錄長沙陳公鵬

年來郡江甯府拆毀南市樓改講堂命父老於朔望講孝弟忠信禮義廉恥今講堂大街是也二林居集

總督阿山欲劾陳公摺撫無所得則以公嘗逐娼建亭其中月朔宣講聖諭為大不敬奏之後召不測

焉道北有先鄉賢公所居舊宅公諱指授之授字石渠諸生同治中入祀

鄉賢蘭生空谷無言自芳盛德感人望廬致敬今尚

有族人居之迤東樓二楹先中書公兄弟讀書之所

所謂棠芬書屋也公諱綱維之維星垣之垣字豐之鄉賢公之次子也以嘉慶己卯進

士官內閣中書故老相傳當時攻苦寒雞再唱猶聞書聲亂

後樓夷變為房闔眷懷先德感慨實多宅西有山東

會館再西有泰倉巷

北通干章巷

巷口跨街築樓以祀文

昌神里人之所崇奉也其西人家屋後皆濱濱矣斗

門橋西為油市大街諺以耳語為上油市有竊脂之

義焉街北有甘雨巷

北通紅土橋

古名乾魚巷曰甘雨者

音之譌也又有塞巷曰豆腐苑即斗門苑曰豆腐者

音之轉也甘雨巷中道西有太平會館與會館相向

者有尚書何恪慎公舊宅

公諱汝霖字雨人江甯人道光中以舉人官至禮兵

二部尚書風度温温諡稱其行達官聽事旋馬僅容今沈

氏所居者是也會館側有塞巷曰銀臺第以羅振彞

通政居此得名

通政諱秉倫上元人
雍正中以進士起家

直節清風光被

鄉國鳴珂改里桑梓之恭也稍北又有車兒巷巷中

道北有陳茂才大鏞宅咸豐癸丑之變其夫婦殉節

之所也

陳君字一山
江甯諸生

讀聖賢書誓不見賊潔清自守

甕水流芳今宅址已易主矣自巷西出為糯米巷

北通

安品街

糯米巷道西有中州會館由會館南行巷盡處

仍為油市又名故衣廊道北有炎帝菴定遠方氏之

所修封崇寺僧嘗以為下院焉又有巷曰平安塞巷

也巷西舊有談志崖比部宅

比部諱羽儀江甯人以
諸生入貴為郎中隨園

docsriver 文川网
入驻商家 古籍书城

在文川网搜索古籍书城 获取更多电子书

之弟子也 及今安徽會館 會館舊為姚氏宅中有品

宅 今圮 同治中總督行轅及江甯府 皆棟宇連雲樓臺撲地

疑明定遠隆平二侯府也 二侯府在油市街 其間又

有陶京山司馬宅 宅前有解元坊 司馬諱紹景江甯

一官至淡水同知乙巳大荒以千金散族人 嘉慶初

重宴鹿鳴其諸孫渙悅濟慎皆舉人 甲戌大股出金

巨萬以 緡紳耆艾領袖里閭任恤睦嫻世濟其惠今

已門無達宦矣宅側北出有燈籠巷 通安巷中道西

有地藏菴焉由安徽會館西行過倉巷口道北有天

后宮全閩之會館也 建康志水西門街有廣濟坊在

廣濟倉東南又有惠澤龍王廟

在大軍庫東今皆不能指其處再西爲水西門又曰三山門取三山

半落青山外爲義古所謂龍光門殆卽是與肇域志斗門橋

龍光門城側迤北有巷曰犁頭尖象形以爲名也入

巷東北行穿木屐巷而出則至於倉巷南通水西門街北通府學

前倉巷者人文萃聚之區也治山之氣鍾毓所凝戶

列簪纓家興弦誦南頭有龔梧生太守宅太守諱孫枝江甯人

乾隆中以進士官至曹州知府有循聲北頭有黃輯五學博宅學博諱瑞江甯

人康熙中以貢生官震澤訓導敦崇儒行今修撰思永其裔孫也其子孫尚世守焉

木屐巷中有遠鎮菴明朱元介侍郎出使朝鮮歸而